

Adresa: **Ul. Hamdije Čemerlića 39a**
71000 Sarajevo
<http://www.voda.ba>

tel. +387 33 726-400
fax. +387 33 726-423
e – mail: info@voda.ba

Broj: **UP-I/21-3-40-557-4/21**

Datum: **27.12.2021. god**

«Agencija za vodno područje rijeke Save» Sarajevo rješavajući po zahtjevu pravnog lica „KARAS-B“ d.o.o. Srebrenik za donošenje rješenja o vodnoj dozvoli za ispuštanje tehnoloških otpadnih voda sa lokacije ugostiteljskog objekta tipa riblji restoran sa ribnjakom za uzgoj i prodaju ribe koji se nalazi u naselju Gornji Hrgovi, općina Srebrenik, na osnovu člana 139. stav 1. Zakona o vodama («Službene novine Federacije BiH», broj 70/06) i člana 200. stav 1. («Službene novine Federacije BiH», broj 2/98, 48/99), donosi

R J E Š E N J E

1. Odbija se zahtjev pravnog lica „KARAS-B“ d.o.o. Srebrenik za donošenje Rješenja o vodnoj dozvoli za ispuštanje tehnoloških otpadnih voda sa lokacije ugostiteljskog objekta tipa riblji restoran sa ribnjakom za uzgoj i prodaju riba koji se nalazi u naselju Gornji Hrgovi, općina Srebrenik, izgrađenog na zemljištu označenom kao k.č. broj: 697/2 K.O. Gornji Hrgovi, općina Srebrenik, s obzirom da za predmetnu aktivnost, a u skladu s odredbama člana 139. stav (1) Zakona o vodama, nije propisana obveza pribavljanja vodnih akata od strane ove Agencije.
2. Ovoj Rješenju ne oslobađa podnosioca zahtjeva obaveze pribavljanja saglasnosti i dozvola od drugih nadležnih organa, a sve u skladu sa važećim zakonskim propisima, odlukama, uredbama i dr.
3. Pravno vice je dužno obratiti se nadležnom organu za dobivanje dozvole za zahvatanje voda (manje od 10 l/s).
4. Ukoliko usljed štetnog djelovanja voda nastalog zbog neizgrađenosti ili nedovoljne osposobljenosti (zaštitnih) vodnih objekata dođe do nastanka štete na predmetnom objektu, korisnik zaštitnih vodnih objekata nije odgovoran za nastale štete.

O b r a z l o ž e n j e

Pravno lice „KARAS-B“ d.o.o. Srebrenik svojim zahtjevom se obratio ovoj Agenciji za ispuštanje tehnoloških otpadnih voda sa lokacije ugostiteljskog objekta tipa riblji restoran sa ribnjakom za uzgoj i prodaju riba koji se nalazi u naselju Gornji Hrgovi, općina Srebrenik.

U provedenom postupku dostavljena je i pregledana sljedeća dokumentacija:

- Ovjerena kopija Rješenja o izmjenama podataka broj: 032-0-Reg-21-000104 od 08.02.2021. izdatog od Općinskog suda u Tuzli,
- Kopija Uvjerenja o poreznoj registraciji izdatog od Porezne uprave Federacije BiH-Kantonalni porezni ured Tuzla od 09.02.2021,
- Kopija Rješenja o odobrenju za upotrebu broj: 08-23-3-3946/03 od 10.10.2003. izdatog od Službe za prostorno uređenje, stambeno-komunalne i obnovu Općine Srebrenik,
- Kopija Rješenja o građevinskoj dozvoli broj: 08-23-3-2549/01 od 14.11.2001. izdatog od Službe za prostorno uređenje, stambeno-komunalne i obnovu Općine Srebrenik;
- Kopija Rješenja o vodnoj dozvoli broj: 04/1-13-25-33636/14 od 25.03.2015. izdatog od Ministarstva poljoprivrede, šumarstva i vodoprivrede Tuzlanskog kantona,

- Kopija Rješenja o vodoprivrednoj dozvoli broj: 02/7-25-1330/02 od 23.05.2015. izdatog od Službe za prostorno uređenje, stambeno-komunalne i obnovu Općine Srebrenik;
- Kopija Rješenja o vodoprivrednoj saglasnosti broj: 02/7-25-1172/02 od 19.04.2002. izdatog od Službe za prostorno uređenje, stambeno-komunalne i obnovu Općine Srebrenik;
- Glavni projekat vanjskih hidroinstalacija - izvedeno stanje sa dopunom za korištenje i ispuštanje otpadnih voda prema rješenju o vodnoj dozvoli br: 04-1-13-25-33636/14 od 25.03.2015. godine. urađen od strane „IBIS“ d.o.o. Zavidovići;
- Punomoć zastupnika podnosioca zahtjeva;
- Dokaz o uplaćenju upravnoj i administrativnoj taksi.

Nakon izvršenog uvida u dostavljeni zahtjev i priloženu dokumentaciju utvrđeno je da su uz zahtjev dostavljeni potrebni prilozi, te je ovaj organ u skladu sa odredbama Zakona o upravnom postupku pokrenuo postupak u cilju utvrđivanja relevantnih činjenica u ovoj upravnoj stvari.

Razmatrajući predmetni zahtjev i priloženu dokumentaciju utvrđeno je, da je priložena sva dokumentacija propisana odredbama člana 12. i 19. Pravilnika o sadržaju, obliku, uvjetima, načinu izdavanja i čuvanja vodnih akata („Službene novine Federacije BiH“ broj 31/15, 55/19 i 41/20).

U skladu sa članom 12. stav 5. i 6. Pravilnika o sadržaju, obliku, uvjetima, načinu izdavanja i čuvanja vodnih akata dana 23.12.2021. godine izvršen je uviđaj na predmetnoj lokaciji, o čemu je sačinjen Zapisnik broj: UP-I/25-3-40-557-2/21.

Na osnovu dostavljene dokumentacije uz predmetni zahtjev i izvršenom uviđaju na predmetnoj lokaciji, utvrđeno je slijedeće:

- Ugostiteljski objekat tipa riblji restoran sa ribnjakom za uzgoj ribe koji se nalazi u naselju Gronji Hrgovi koji je lociran na parceli k.č. 697/2 KO Gornji Hrgovi, Grad Srebrenik ukupna površina parcele 900 m².
- Kompleks se sastoji od restorana, tri bazena za uzgoj i prodaju ribe ukupne zapremine 165 m³, parkinga i radno-manipulativnih površina.
- Vodosnabdijevanje ribnjaka shodno uvidu na licu mjesta i podacima dobivenim od Investitora je trenutno samo sa izvorišta „Vrelo“ čiji kapacitet se procjenjuje na izvorski od Q_{izv} = 4 l/sec u izrazito sušnom periodu i u maksimumu cca do 60 l/sec u izrazito kišnom periodu. Sa izvorišta se uzima 3,00-6,00 l/sec u ovisnosti od kapaciteta izvorišta zbog biološkog minimuma. Za ovu količinu vode može se vršiti uzgoj do 250-500 kg pastrmke i drugih vrsta riba u toku jedne godine
- U predmetnom poslovnom objektu ne nastaju tehnološke otpadne vode iz procesa rada a kako je to utvrđeno odredbama člana 3. stav 1. tačka (cc), a u vezi sa tačkom (s) Uredbe o uvjetima ispuštanja otpadnih voda u okoliš i sisteme javne kanalizacije („Sl. novine FBiH“, br. 26/20, 96/20).
- Specifični uticaji predmetne aktivnosti (uzgoj riba) koje bi mogle prouzrokovati promjenu režima voda pri čemu bi isti mogli privremeno ili trajno degradirati kvalitet voda, ili ometati poboljšanje njihovog postojećeg kvaliteta, ocijenjeni su u ovom slučaju kao zanemarivi.

Podnosilac zahtjeva je dužan uginulu ribu i ostali otpad organskog podrijetla zbrinjati u skladu sa posebnim propisima iz oblasti veterinarstva. Prilikom čišćenja bazena zaostali mulj se ne smije ispuštati u vodu već ga je potrebno prikupiti, skladištiti obraditi u skladu s posebnim propisima koji reguliraju postupanje sa životinjskim otpadom i drugim materijama prirodnog podrijetla, te voditi urednu evidenciju o datumu čišćenja, količini i načinu zbrinjavanja otpada. Kako u predmetnom objektu ne nastaju tehnološke otpadne vode kao rezultat tehnološkog postupka, kao ni oborinske onečišćene vode kako je to utvrđeno odredbama člana 3. stav 1.

tačka (cc) a u vezi tačke (s) Uredbe o uslovima ispuštanja otpadnih voda u okoliš i sisteme javne kanalizacije, odnosno nema ispuštanja tehnoloških otpadnih voda u smislu odredbi člana 139. stav 1. tačka (3). Zakona o vodama («Službene novine Federacije BiH», broj 70/06), u skladu s članom 200. Zakona o upravnom postupku («Službene novine Federacije BiH», broj 2/98, 48/99) riješeno je dispozitivu rješenja.

Uputa o pravnom lijeku:

Protiv ovog Rješenja može se uložiti žalba Federalnom ministarstvu poljoprivrede, vodoprivrede i šumarstva u roku od petnaest dana od dana prijema Rješenja.


Žalba se podnosi neposredno pismeno ili preporučeno putem pošte ovom organu i taksira se sa 15 KM takse, prema tarifnom broju 3. Tarife federalnih administrativnih taksi.

Voditelj postupka: Meho Čaušević, B.Sc.ing.građ.

Prilog:

- Glavni projekat vanjskih hidroinstalacija - izvedeno stanje sa dopunom za korištenje i ispuštanje otpadnih voda prema rješenju o vodnoj dozvoli br.04-1-13-25-33636/14 od 25.03.2015. godine. urađen od strane „IBIS“ d.o.o. Zavidovići
- Izvještaj o izvršenoj kontroli tehničke dokumentacije urađen od strane HKP Consulting d.o.o. Banja Luka

Po ovlaštenju
Rukovodilac sektora za izdavanje vodnih akata


Haris Ališehović, dipl.ing.građ.

Dostaviti:

- „KARAS-B“ d.o.o. Srebrenik, ul. Gornji Hrgovi bb, Srebrenik (sa prilogom)
- AVP Sava – ISV Vodna knjiga
- Org.jed. 40 – Arhiva
- AVP Sava – Oglasna ploča